

四庫全書

集部

欽定四庫全書

文端集卷三

大學士張英撰

存誠堂應

制詩集三

賜宣德宮扇恭紀二首

亭午曦車送祝融
冰壺靜對碧紗中
九鸞宮扇新承

賜滿袖涼生

玉殿風

其二

半面輕紈籠翠竹數行幽鳥點黃金
新開寶篋沾

恩渥猶帶龍香出

禁林

夏日

上幸景山時

臣英

臣士奇扈從

御製詩一章七月十八日蒙

恩書賜恭賦五言八韻

翠繞三峰近，榮陪八駿遊。
海雲連雉堞，山雨入龍樓。
樹色津門暗，烟光碣石浮。
高吟

天藻發清景

御題留桂滿金波，日蘭開玉殿秋。

聖慈揮寶翰，麗句寫銀鈎。
盛事誠希遇

深恩豈易酬，同分圭壁彩。
千古照滄洲

西洋貢師子歌

聖朝威德彌九垓海天萬里梯航來遠致珍奇羅闕下
狻猊詭異非常材昔聞烏弋產神獸制兇搏象稱渠魁
照耀林麓目若電哮吼山谷聲如雷往來長風生大壑
巨石喬木皆崩摧虎豹懾服類孤兔熊羆翫視同嬰孩
脩尾闊臆雙耳帖形體圖畫堪弭災中國此獸不恒見
惟從載籍標奇佷忽覩入貢自絕域象胥九譯相追陪
浮舟西溟歷南粵海波浩蕩山崔嵬金鎖長縻鐵關閉
拳毛偃臥黃雲堆何年却別條支路一朝奄至華林隈

久服

王化氣已馴

御園麋鹿忘驚猜
蠻官呼名撫其鬣
雅知人意常低徊
越雉旅獒追盛事
白麟赤雁同昭回
在昔漢武好善馬
貳師遠度西輪臺
窮年求得渥洼種
登歌天廟誇龍媒
曷若奇獸慕義至
剛猛馴服如駑駘
願頌騶虞

王業盛載歌麟趾

帝紘恢

聖主雖不寶異物以茲昭德誠皇哉

八月六日於神武門觀西洋進貢師子恭紀

靈囿秋光映碧岑
狡狴新貢入華林
日南聲教車書遠
海外梯航歲月深
白澤獸能言

主德越裳人本識
天心承

恩許近瑤墀
看昭代仁風珥筆吟

八月十八日蒙

賜觀

聖製詩集恭紀五言十六韻

聖藻盈絃帙高吟碧殿清端居因感物幾暇偶怡情字
掩三辰麗詞探六義精含毫當

紫闥結念在蒼生瑞雪歌銀甕華星詠玉衡艱難憐荷
鍤辛苦憶從征句每

臨軒得篇多

駐輦成烟霞邀盼賞巖壑記巡行氣溢河山壯思翻海
岳平規模凌雅頌律呂協韶謨寶樹千尋直珠光萬斛

金定四庫全書
卷三
傾幸容依

黼席竊許聽金聲日映丹霄近奎懸碧漢明
賜觀恩數重捧讀寸心驚仙露臣同渥卿雲

帝載賡願偕芸閣侶常紀柏梁名

九月十日

上侍

太皇太后幸溫泉恭紀五言八韻

慈顏康豫日

鳳蓋駐郊原華髮

三朝貴彤闈萬國尊含飴娛

壽母扶輦見

文孫紅樹迎丹幘青山入翠軒香泉浮露暖碧澗瀉春
溫問俗前模重

承懽至性存菊黃當九月露湛滿千村野老羣瞻望謳
歌

兩聖恩

十月二十四日蒙

恩自溫泉頒賜野雞恭紀二首

侍膳溫泉館霜天羽獵催

御園雲外合宮使雪中回心傍華旗遠

恩分錦翼來古人曾載贄耿介異凡材

其二

白草韝鷹健寒原野雉肥遙從金彈落近繞玉鞭飛偕

鹿登厨傳隨車入

禁闈文禽

頒侍從拜

賜有光輝

長至日

上躬祀

南郊恭紀五言十二韻

至日躔南極初陽紀仲冬
繡裳添綵線玉管應黃鐘
慶典同函夏明禋掌秩宗
齋宮香霧繞泰時碧雲封
視

版臨深殿

親郊出九重霜華迎

翠輦燿火照寒松登降間

天語堂皇展

帝容瑤臺

三后配黼帳百神從繭栗燔柴犢星辰護燭龍祠官調
寶瑟舞羽間金鏞

一德符穹昊羣僚肅肅雖遙瞻蒼壁薦共覩紫烟濃

恢復岳州奏捷恭紀五言十二韻

露布馳星驛

天戈取岳陽親賢開壁壘

廟算出巖廊討逆勞專閫稽誅尚陸梁困猶魚在釜飢
藉鼠為糧智勇

王師備綏戡武烈揚巢將焚燕雀險已失瀟湘夢澤飛
旌影蘭江淬劒鉞受降歸鎧甲列肆進壺漿凱奏春臺
日懽騰

黼座傍從茲清巨寇勢若履康莊鯨浪平巫峽狼烟息
鬼方六軍饒吹入端拱靖炎荒

十二月二十五日蒙賜

御用貂裘一領恭紀二首

紫綺豐貂世所稀新裁歲歲拜

彤闈稱身難荷

恩施重顧影深慙報荅微

聖澤頻年忘雨雪天香滿路羨光輝歸來檢點裘裳看

疊笥盈箱總

賜衣

其二

珥貂自昔重承明
况復珍裘積累成
如雪漫誇狐腋貴
當風不數雉頭輕
日華朝映香雲繞
霜穎晴看紫霧生
拜

賜何能酬渥澤

垂衣常願祝昇平

十二月二十八日蒙

賜食品酒醴恭紀二首

紫陌晴雲暖年華入歲除

恩銜宮使詔春滿侍臣廬
蘭饌烹鮮日椒觴獻臘初
頌從霄漢上歡躍更誰如

其二

歲月

恩波裏風光

禁籞中佳辰叨法膳備物愧愚衷榮逮宗祊遠甘分稚
子同堯厨天酒綠寒谷總春融

懋勤殿盆中古梅又值花時恭賦四首

秘閣寒香舊賦詩春風又見

上林枝年華愈覺

君恩重常藉梅花紀歲時

其二

深紅淺白恰相宜嶺上溪邊見亦稀絕似孤山清素士承

思新得賜緋衣

一株雙幹花
開紅白二色

其三

交讓連枝盡不如孤根雙萼自扶疎
影留東壁三更月香覆西清一卷書

其四

奇葩移自藥珠宮濃淡同開一樹中
晚節自忘冰雪苦獨將消息報春風

懋勤殿芍藥于春初盛開恭賦二首

宮柳南園未放芽數枝含露艷朝霞祇因日沐
天波暖溫室先開四月花

其二

翠幙重簾護曉寒名花常傍

講幃看豈如凝碧池頭宴惟賦沈香芍藥欄

康熙十八年二月蒙

恩轉侍讀學士恭紀二章

門開宣政日曛曨溫室花繁淑景融載筆起來宮漏裏

金匱要略卷三
除書聞自

禁闌中身依香案

恩常渥名愧永銜歲不同廣廈細旃時

賜對慙無一得報

宸衷

其二

藝苑詞曹比鳳池雞棲敢傍最高枝丹梯目懾雲霄近
碧草心銜雨露滋東觀崇階容屢陟西清秘簡許頻覩

承

恩便詔當筵謝不待鴈班曉漏時

恭遇

太皇太后萬壽節敬賦五言十韻

懿德超前古

純禧裕後昆

文孫天下養

堯母域中尊雍肅千秋範涵濡

兩代恩

聖慈開泰運厚載比坤元仁儉貽謀遠康寧受祉繁春
深翔鳳闕瑞繞濯龍門慶節禎祥集佳辰景物暄嵩呼
連海嶽華祝指崑崙

宸藻鏤雲筆仙芝獻壽醵萬齡同日月常照紫庭萱
省耕應

制二十韻

皇心崇穡事

睿慮重田功問俗神堯似勤民大禹同頻年頒漢詔午
夜誦幽風

北闕韶光麗南郊淑景融土膏方澤澤牟麥正芄芃耕
稼乘時令艱難啟

聖衷

詔傳青嶂外

輦駐綠疇中河漢星將曉滄溟日在東樹邊聽好鳥澤
畔見飛鴻

清蹕雙旌遠期門七校雄
桑陰閒稚子芹曝獻村翁
草映鸞旂碧花圍黼帳紅
簪車紛綺陌春鍤遍芳叢
還許驅黃犢何須避

玉驄謳謠忘

帝力歌頌達

宸聰薌屋

溫綸溥茆簷

御路通蒼生陳疾苦赤子賴帡幪補助

恩常渥涵濡

德至崇敷天安社席荒服靖兵戎華黍呈嘉瑞千秋祝
屢豐

二月二十九日蒙

恩賜宴西苑恭紀四章

上林風日好遊讌

賜芳辰花映長堤曉波涵太液春馬嘶銜碧草舟泛入
青蘋共慶昇平樂

殊恩及侍臣

其二

離宮烟浦外幽賞

禁垣西瑤島孤峰秀華林萬樹齊水生楊柳
岼春滿杏花蹊不覺移情久仙源到易迷

其三

水亭浮畫棟高敞若凌虛雲影搖珠箔天光動綺疏
藥欄棲皓鶴石瀨戲文魚

聖主揮絃處薰風化日舒

其四

蘭饌陳山海

瓊筵接水雲共乘青雀舫驚起白鷗羣地勝情偏愜
恩深酒易醺小臣歌既醉天保奉吾

君

三月十四日

上省耕回宮蒙

金口犀角
賜水禽諸物恭紀二章

觀俗旋鑣自水湄小臣沾

賜愧恩私如膽翠蓋樓船上春滿平湖射雁時

其二

爰爰紫兔出中林羽翮紛紜雜水禽誰得平分天上味

歸鞍攜自

禁庭陰

恭遇

皇上萬壽節于

內殿稱賀敬賦二首

紫殿懽呼動八絃當年華渚慶雲生

唐太宗生時
有慶雲見

中天

日暎丹霄麗南極星懸

黼座明春滿

九重聞笑語風清四海賀昇平
寰瀛歲歲瞻

龍德玉簡金泥紀頌聲

其二

斗柄瑤光正向辰清和三月歲華新甫從禹甸迴
鑾馭親見堯衢祝

聖人地接

宸居容虎拜身依香案傍

龍鱗小臣敢獻千秋頌遙指南山萬樹春

己未孟夏

上以天時久旱于宮中致齋三日望日

親詣

南郊虔禱讀祝版甫畢雨澤應時而至恭紀二首

驕陽入夏軫

皇情肆類

郊壇燿火明碧漢夜隨鸞旂捲微雲朝傍

翠華生由來

主德崇無逸益信

天心感至誠九奏未終霑灑到千官扈

蹕盡歡聲

其二

端居減膳啟齋宮肅穆

宸心與

帝通滋植民天惟歲稔栽培國本在時豐隨車恰自
郊裡後露冕親霑

輦道中宵旰連朝今色喜

君王憂樂萬方同

五月初一日

賜內府綵絲藥物恭紀

節近中天景物和瓊琚沾

賜出鸞坡繽紛色映臨風珮飄渺香侵疊雪羅

聖澤豈需靈藥護

君恩還較綵絲多玲瓏宮樣人爭識似曳雲霄紫玉珂

五月初二日蒙

恩傳諭爾子

廷璿

選授翰林院庶吉士恭紀二首

太液湖光映直廬燕雛隨傍鳳城居敢期姓字聯珠榜

金定四庫全書
卷三
得奉

恩輝到玉除當殿掄才懸藻鏡退朝傳

命駐金輿海天

聖澤真無際許讀西清舊賜書

其二

清切官階數藝林何堪相繼玷華簪一經教子慙無術
兩代分榮愧轉深愚似豚魚猶載德微如葵藿尚傾心
况曾夙奉詩書澤感遇酬

恩自古今

五日西苑泛舟侍

宴紀恩四首

蒲香風暖浴蘭辰

御苑歡遊奉

紫宸時有微雲消暑氣還因宿雨淨芳塵幽潭碧樹迎
仙仗畫舸朱欄列近臣欲識

君王同樂意普天今是太平人

其二

簪裾鵲侍彩雲端醺酒臨流

聖澤寬碧玉橋頭雙旆引綠楊陰裏萬人看西園擊楫
過瑤島北岸揚舲到激湍惠霽和風偏此日還知天意
與同歡

其三

郭外靈泉入渚宮藏舟別渚狀流通新從太液移黃鵠
遙隔平橋望彩虹夾岸林巒浮積翠一樓蕭管御微風

咸池樂奏遊魚出靜愛湖天似鏡中

其四

韋杜金張

黼座前小臣竊喜荷

恩偏追陪鳳蓋鸞旂裏蕩漾雲亭水榭邊仙醞自天傾
玉液官庖隔岸送瓊筵清時令節沾殊渥願捧蒲樽祝
億年

侍從西苑進講恭紀四章

清時避暑駐

離宮竹塢花溪

輦路通水殿涼分蘆荻雨山亭香滿芰荷風坐臨空翠
鳴絃裏靜聽飛泉

講幄中

聖主一編猶在手乾行不息與天同

其二

雲影天光自窈冥蓬萊宮闕俯滄溟綠槐枝覆鴛鴦瓦

碧澗光搖翡翠亭，乳燕掠波穿繡戶。
水禽接翅過芳汀，微臣竊侍迎涼殿。
拜手甘泉敢勒銘。

其三

龍旂飄拂照盤渦，芳景來遊御畫舸。
雲度石橋微雨歇，波生蓮渚晚涼多。
嘉魚喜傍蘭舟躍，溪鳥歡迎

翠輦過水木清華幽賞地，仙源端可接銀河。

其四

陪

輦行宮講誦餘隔溪欣得傍

宸居垂楊影裏攤書卷流水聲中掩直廬曉露新荷聞
沉澹夕陽高樹對扶疎傳呼小艇花間泊觀稼亭西近
玉除

賜新貢芥茶二瓶恭紀

紫笋芳芬比蕙蘭吳山越水到長安含香瑞草封雕篋
拜

賜名芽出

禁闌自淪清泉松籟起細傾仙液露華溥只因身侍紅
雲裏歲歲

恩波捧月圓

蒙

恩命供奉

臣

周道寫

臣

小像裝潢成軸

特賜恭紀二首

十載清曹近玉墀

經幃秘閣許追隨忽聞

恩澤傳官使為寫儀容遣畫師香近

御爐薰絹素墨和仙露點鬚眉三毫頰上頻添取多在
天顏指顧時

其二

潘岳中年鬢有星自將疎野歎儀形披裘只合棲山澤
鳴玉何堪著

殿庭麟閣勲名慚竹帛瀛洲文學愧丹青惟驚蒲柳沾
恩渥敢做丰裁問九齡

康熙十九年六月蒙

擢授翰林學士兼禮部侍郎紀

恩四首

枌榆陋質比鷦鷯阿閭何期託

聖朝三徑蓬蒿連

紫禁八年書帙傍丹霄手攀天上星辰近身被人間雨

露饒日日青花龍尾道常同歷草侍

神堯

其二

青瑣沈沈入紫微
四時常見著宮衣
蓬瀛自古人爭羨
史冊如臣遇亦稀
香案

宸顏容咫尺

經幃

天語賜光輝
唐虞典誥義文易
拜捧瑤函翼萬幾

其三

文明天授御飛龍
俯視羣流若岱宗
涓滴何能思報答

冰淵常恐負遭逢

褒綸驚捧

王言重野質深慙

聖度容自是清時榮侍從章縫偏覺渥

恩濃

其四

紫泥光映曙霞生
重疊冰銜忝姓名
仙籍屢看標藝苑
崇階還許列清卿
一時

寵命沾鸞掖同日除書出鳳城羣自

講筵蒙異數拜官千載有殊榮

平蜀奏捷恭紀二首

一軍飛劒閭三捷報蠶叢宿霧巴江捲春流蜀道通壺
漿迎猛士組練繫狂童天半峨嵋石新看紀戰功

其二

六年屯漢沔

王化阻巖疆扼塞孤憑險膏腴鼠藉糧自天開益部計

日定炎荒喜見機槍息同聲賀

廟廊

七月三日奉

恩泛舟西苑觀取魚并蒙

頒賜恭紀八首

興慶池蓮照水紅

恩分青雀御微風
幾人曾到甘泉館
來往波光潋灩中

其二

太液湖西雨脚垂水雲亭畔蕩舟時
芙蓉深處菱花密
出水紅鱗壓釣絲

其三

參差樓殿俯滄浪北渚南湖接渺茫
隔岸水花秋更好
覆堤官柳午偏涼

其四

好雨連朝長暮潮輕舫宛轉木蘭橈
西山指點青螺黛
不覺經過玉蝀橋

其五

秋早涼從水殿生
魚簪收處柳風輕
縱橫荇藻流船滑
時聽鮮鱗潑刺聲

其六

新蟬乍喜報秋清
靈沼風和見物情
綠樹陰中啼翡翠
白蓮花底宿鵲鵲

其七

空明雙漿擊澄潭
烟水菰蒲性所耽
怪底夜來涼雨後

魚莊蟹舍夢江南

其八

錦鬣銀腮滿泛船
盈筐拜

賜荷

恩偏漫言玉鱠東南美
親割華林第一鮮

閏八月二十七日蒙

恩賜內廐鞍馬恭紀二首

頻年蹤跡傍金門
駕馬常隨入掖垣

御苑遶材誇上駟儒臣拜賜荷

深恩調良自昔如君子驅策曾經奉

至尊宮錦障泥絲絡首連錢光澤照庭軒

其二

中夜房星降紫霄長鳴顧影獨蕭蕭花驄遠自西川貢
金埒新從

內殿調嘶入宮雲看攬轡光生衢路美聯鑣朝朝柳下
青驪穩蹀躞春風玉竦橋

除夕

乾清宮侍

宴恭紀

餞歲

恩暉奉

紫宸輦飛阿閣物華新崇階喜接金張貴祕殿歡陪衛

霍親諫果特分宣口敕

檄攬古
稱諫果

衢樽頻賜被

溫綸來朝共慶三微節拜手堯年二十春

康熙二十年元日

乾清宮侍

宴恭紀

元辰佳氣晚氤氲清讌連朝夜漏分人傍層霄依斗極
光懸東壁見奎文寶幢色麗螭頭日古鼎香添豹尾雲
法曲總涵祈穀意九歌新自

九重聞

上元侍

宴恭紀二首

千羽虞階海溼清傳柑時節宴承明檐低星月千燈繞
庭舞魚龍百戲呈天保頌颺因樂愜

皇情歡豫在昇平請看此夕同民處九陌笙歌滿鳳城
其二

宵臨別殿敞瓊筵畫鼓聲催火樹然碧落烟消雙月映
紫瀾風定萬珠圓千枝忽湧金波桂十丈頻開玉井蓮
疊

賜奇觀真異數浮槎星漢憶當年

溫泉歌應

制

蒼山層疊東方來挿天萬朶芙蓉開中有幽巒自盤互
溫泉熾沸靈山隈遙見白雲覆巖谷波光日暖寒松綠
四時天氣總春融雙泉數武分涼燠靜如明鏡石池平
瀉入房櫳取次行蘭香漱灑膏千斛碧色深沈玉一泓
定有丹砂結泉底仙竈綿綿傾石髓陽烏浴彩咸池波

燭龍銜照空潭水天生靈異豈偶然近瞻

世廟橋山巔土脈精英恣磅礴鬱蒸佳氣通源泉常聽

空山傳

警蹕畿東勝地時巡日來遊彌切望

陵思豈為臨流賞清泌

慈寧聖人鶴髮垂有時

鳳輦出龍墀樂遊原上溫泉畔風土清嘉

聖體宜規模簡樸留陳蹟丰畝方塘梵文石繚垣翠巘

蔭長松行殿土階沿素壁却笑華清侈費多連雲宮闕
漫嵯峨何須刻石成鳬雁豈待鏤金作芰荷

聖朝舉事皆有則敬愛為心儉為德寧

親常願葆天和結構恒思惜民力今年扈從碧山岑

賜遊佳地荷

恩深每懷被濯塵纓志時望天波泥注心

扈從謁

孝陵恭紀

鼎湖龍久去冠劍託幽宮地接東溟日山藏大漠風
雲浮寶幄跨澗落銀虹寢殿周廬繞園林

輦路通關城花自發溫谷水常融松棟思堯德龍門頌
禹功千峰爭侍

蹕萬嶺儼呼嵩典禮遵前制經營殫

聖衷望

陵迴玉仗瞻宇却花驄宗伯陳犧象祠官獻稯種懿親
陪奠筭故老慟遺弓石馬嘶何處寒山夕照中

七月二十一日瀛臺

賜宴諸臣

命

臣

英同內大臣主席恭紀二首

輦駐甘泉水殿中清秋時節柳堤風歡承

慈聖重闌喜

恩逮羣工曲讌同珍果總含蘭蕙露嘉魚新出藕花叢
聯翩簪珮蓬池上影落平橋潋灩紅

其二

代捧尊疊綺席前頻宣

口勅紫雲邊秋光特錫迎涼宴湛露羣歌既醉篇拜

賜香羅紛綵袖攜歸絲籠壓花鵲微臣喜接金張後

寵渥尤霑異數偏

是日

賜諸

臣文綺有差

恭和

聖製賜內大臣輔國將軍俄啟韻

戡定常懷猛士風新收荒服燕彤弓

天章特賜雕龍句

帝室新褒射虎雄

平滇南詩

有序

皇帝御極之二十年滇南既平俘馘來獻寰宇內外截
然寧謐蓋自屢年以來經營四方上厯

宵旰至此底厥成事羣臣颺誦

神武比于無競之烈

皇帝謙冲弗居臨軒申

命以為

天心眷祐

祖德靈承以克臻斯耆定又念四方赤子瘡痍初起社
席未安將士荷戈八載勞勩待澤籲恩並在今日于是
展告

郊

廟崇號

兩宮發

德音下明詔沛維新之大澤布休養之深仁所以鞏固

丕基嘉惠元元者至矣蓋武功之後煥以大德戡亂之
餘繼以致治

聖心未嘗以天下既安而稍自暇逸也臣既祇獻昇平
頌以揚廓清之盛復敬撰律詩八章敘捷聞之懽忭美
慶典之喬皇鋪事紀實昭鴻駿焉

君王指顧定滇中絕徼炎荒

聖澤通益部火雲天際掃昆池鯨浪日南空投戈喜慙
休兵志因壘真成不戰功

步輦早趨長樂苑

慈懷先與慰深宮

其二

露布天南萬里餘經旬飛羽到庭除銅壺深夜傳

中禁鈴索清宵響直廬奏捷魚符偏早讀紀功鳳紙不
勝書況逢霧掃金戈日正是陽回玉管初

其三

次第謹傳遍九達侍臣先許賀

彤墀丹屏方見

天顏喜赤子還縈

聖慮慈萬戶芻蕘輸驛路八年戈甲頓

王師親聆倍覺愚衷感拜手

仁言百代垂

秦捷之夕臣英面聆
語深念累年官民軍伍之勞

天

其四

帝德如天本好生惟教貔虎瞰孤城
釜魚自見鯨鯢滅
簞食仍聞士女迎
六詔何曾驚
夜柝百川猶不廢
春耕

烏蒙烏撒咸歸化洱海波澄看洗兵

其五

昇平大典慶如林底定還勞

睿慮深肅藉明禋揚

祖德勤將錫類荅

天心恩周九服光圖史孝達

重闡冠古今舞勺歌雖追盛事功成一代紀元音

其六

遙聽

鳳詔萬方同溫律吹從玉殿風
獄縱楮衣求訟簡賦蠲
赤縣恤民窮花邨鵲報茅簷喜
棘寺鸞棲犴戶空
兵氣盡消佳氣滿普天甘雨慶雲中

其七

當殿曾推閫外輪時清凱入騎駢駢

天潢授鉞皆龍種禁旅橫戈盡虎臣
銅柱遠征憂國久
雕弓遙賜拜

恩新明年楊柳依依日正是賡歌杖杜春

其八

彤廷喜起集臣工經緯訏謨仰

聖聰雲合羣方歸舊服星羅宿將定元功羽千載舞期
同樂華黍登歌願屢豐手建太平千萬禩無疆大厯慶
龐鴻

雪中侍直恭紀應

制四首

自昔占年瑞連朝不厭多休兵知歲稔偃武慶時和積
素輝珠箔飛花點玉珂好將書史冊黃竹漫賡歌

其二

滿苑瓊瑤屑輕烟與共浮

天心慈下土

宸念切西疇花散嘉平月禾登大有秋鑾坡時久立沾
洒翠雲裘

其三

雪中看

上苑別自有山容太液銀為磧華林玉作峰烟常籠翠
竹色最愛青松園吏開溫室梅花香更濃

其四

同雲栖霞殿角霰後漸霏霏風細踰躡舞寒輕宛轉飛玉
堦人語靜宮瓦鵲聲稀媿乏陽春調吟詩傍粉闥

康熙二十一年正月

賜假南歸經營丘壑恭賦紀

恩詩八首

臣心寸草由來久未敢封章達

至尊每見青郊陳麥飯思乘春水到柴門上書幸恕愚
情迫

當宁偏承

詔語溫迴憶此身依日月芸編香案十年恩

其二

典學筵開久侍觀龍綃斐几碧雲端風亭展卷都忘暑

溫室披圖豈避寒日旰坐當樓影直宵分聽徹漏聲殘
法天行健誠稀覲蟲見惟愁測海難

其三

睿學淵涵邁古今羣山揖岱比高深象久遠溯義文旨
典誥遙同舜禹心歷考簡編羅漢史旁兼風雅紹唐音
當軒屢見飛

宸藻鴻寶天球照藝林

其四

自離疏蹻入觚稜碧落丹霄十二層別苑每隨臨水殿
御筵常近讀書燈靜從秘閣聽鈴索晚向天街望玉繩
檢點平生

恩遇地涓埃酬荅愧無能

其五

李泌猶慙迹太奇況臣愚魯奉

皇慈賜遊設醴花亭日進講停舟柳岸時殿上屢容陪
曲讌輦前常許獻新詩六軍豹尾雲深處數見書生欸

段隨

其六

波橫橋影柳參差

御苑西偏借一枝
海燕許巢鵲
鵲觀山雞教宿鳳凰池
寒芽獨荷陽春暖
薄植深逢雨露滋
為感烏啼思罔極
仰慙

天語慰恩私

其七

四海波澄正偃兵傳柑時節侍承明詩聯柏殿昇平宴
樂聽雲門大護聲

沛澤如天常覆物報

恩無地愧言情迢迢江國三千里一片葵心向日傾

其八

雞舌乍辭文石陞羊腸重踏碧山岑陳情敢有懷鄉意
拜

命彌增戀闕心縫綵難違芸閣侶低徊還惜

禁庭陰年來供奉銜恩句暫向東臯澤畔吟

二月十四日蒙

賜手勅白金文綺恭賦

江城二月返輶車特降

褒綸鳳紙書鄉國白雲應到眼墓田春草正堪耬久慙
赤芾垂三組敢道黃金比二疏拜舞一辭龍尾道野人
欲製芰荷裾

文端集卷三

欽定四庫全書

集部
文端集卷
七至

詳校官庶吉士臣汪彥博

助教臣常循覆勘

總校官降調編修臣倉聖脉

校對官主事臣陳文樞

謄錄監生臣王宮

欽定四庫全書

文瑞集卷四

存誠堂應

制集四

歸田紀

恩詩二十首

其一

大學士張英撰

壬戌年三月十八日舟中恭遇
聖壽望闕行禮畢賦此時駕在盛京

帳殿祥開獻壽鐔此時拜舞憶金門
河山舊是興王地
父老新沾

駐蹕恩三月鶯花連遠徼九天鏡吹集諸藩
望雲獨自
呼嵩處身在吳舫水上邨

其二

癸亥年三月十八日山中恭遇
聖壽望闕行禮畢賦此

韶華曙景滿人寰
憶聽仙鐘綴末班
虎將總歸丹鳳闕

狼烽盡掃碧雞山目驚雲漢羅

天藻身寄江湖想

聖顏空谷拜颺還北望一聲啼鳩綠陰間

其三

甲子年三月十八日恭遇
聖壽望闕行禮畢賦此

甲子新逢太史書衢歌巷舞遍

皇輿金鋪節遇行觴日玉琯年當聽律初五緯華星懸
殿陛一枝棠葉秀庭除周南留滯今三載常夢垂紳待

直廬

其四

乙丑年三月十八日恭遇
聖壽望闕行禮畢賦此

燕雲縹渺隔

宸居自返丘園報答疎烟霽秦淮開寶幄江清弘濟照
龍輿拜承溫語慙樗櫟歸詒

慈顏動里閭彈指又逢天慶節烟霞猶自戀衣裾

其五

舟中展對

御書敬賦

拜捧

綸言出

九重

御書都藉紫泥封續紛宮錦香猶在掩映江雲墨更濃
開匣頓教榮草木迎舟時復起魚龍良宵展對燒官燭
烟際疑聞禁漏鐘

其六

舟中感念

聖恩恭賦二首

鷗語蟬聲助客吟
蓬窗獨坐數烟岑
停雲暫遂南歸志
捧日猶懸北望心
驛路柳稀傷客久
江潭花落憶恩深
歸來未覺清貧甚
檢點青箱有賜金

其七

十載趨承白玉墀

經緯清切荷恩私
春風上苑宮鶯早
夜雨長楸禁漏遲
授簡常陪鵷鵲觀
移家近住鳳凰池
汀洲野泊聞雞後

彷彿金華進講時

其八

至家聞五日

賜紗恩命恭賦

里社新秋客子歸始聞當暑

賜宮衣紫霄乍覩冰紈出赤日驚看雪練飛香自禁庭
傳畫匣涼分殿角到荆扉

聖情不遣幽遐隔感遇酬知自古稀

其九

初聞

特恩諭祭之命恭賦

迢遙南北隔江烟

紫闥睽違近一年已遂烏私歸下澤忽驚

鳳綵耀重泉寧親盛典宗祊紀稽古殊榮里巷傳自是
君恩優侍從居人爭數義方賢

其十

諭祭禮成謝

恩畢恭賦

一卷遺經訓子孫先臣耆耄晚承恩簪纓已許膺三命

俎豆何期薦九原飄渺

御香臨華戶喧闐鈞樂動衡門身兼悲喜趨迎處手把

宮衣滿淚痕

其十一

田間感念

聖恩恭賦

草土陳情

黼席前詔從休沐憇林泉春陰學種池邊柳時雨看鋤
墓下田常展

賜書孤館讀閑將

聖德老農傳青蓑黃犢臣家事恰喜歸耕慶有年

其十二

丘壘告成感頌

聖恩敬賦

罔極情深久鬱陶許歸三徑剪蓬蒿苔痕舊樹龍鱗古
草色新封馬鬣高得向空山占景物容分暇日報劬勞
夕陽原上豐碑矗敬勒

宸章五色豪

其十三

恩賜昇平嘉宴詩

石刻恭賦

早歲傳柑令節前
集賢春殿敞華筵
紫微花氣千門曉
碧落珠光萬斛懸

睿藻遍容寮
索和

天言屢顧侍臣傳
祇今拜賜同金石
轉憶昇平慶賞年

其十四

癸亥歲除蒙

賜

羊酒食物恭紀

九重深念侍臣歸再見江天雨雪霏
法醞首常歌醉飽
歲寒更復拜

恩輝冰堅遼海魚初美
霜落關山兔正肥
野性願甘藜
藿老仙庖遙領事尤稀

其十五

聞
駕登泰山恭紀

日觀高峰駐六龍時平

天子慶登封鸞旗翠蓋臨滄海
玉簡金函禮岱宗谷轉

風雷千騎擁氣蒸河嶽百靈從

盛朝舉事卑秦漢石上遙尋古帝蹤

其十六

駕幸闕里恭紀

聞

法駕晨嚴稅魯東兩楹車服昔時同祇因百代心源合
不獨千秋

聖藻雄古壁冠裳邀

帝澤空堂絲竹動天風路人指點停

鑒處洙水橋西檜影中

其十七

駕幸金陵

恭紀

駐輦金陵王氣濃時當獮狩不妨農山川舊識龍蟠險
城郭新看鳳跡重六代烟雲供染翰千秋江漢待朝宗
翠華不遣傳清蹕南國蒼生覩

聖容

其十八

觀

上於秦淮蒙

恩慰問并

賜御書恭紀

戢影田間拜舞疎秦淮江上覲

乘輿時同舊侶趨前席還沐

新恩載後車擊目丘墟陳俎豆關心水旱問州閭微臣

新奉

天顏喜小艇南歸有

賜書

其十九

蒙

恩召

臣

子編修臣廷瓚

至內廷

詢臣起程并

賜食南書房恭紀

北風吹鴈過茅茨有子離居荷

聖慈宵旰不忘簪履賤江湖猶繫廟廊思細旃

天語承恩日秘閣仙庖賜食時十載未言溫室處蓬萊

清切到方知

其二十

頌賜易經

講義恭紀

秦燔未烈賴斯傳拜獻金華幾歲年鳳紙喜沾今日賜

龍謙重撫舊時編圖書道契陳疇日象數微探出洛前
幸遇義文今御極餘生何敢廢丹鉛

康熙二十七年正月恭賦

大行太皇太后輓辭六章

啟佑成鴻業含宏比厚坤

文孫千古孝

慈聖兩朝恩夕漏趨宮仗宵衣侍寢門祇今看玉卣涕
泗總留痕

其二

軒車陳繡幄文駟列珠羈同軌三千國

重闌五十年慈雲長蔭日涕雨正敷天縞素龍荒遠星
輶驛使傳

其三

深殿愁雲結千官拜寢闈銜悲當歲晚灑淚向春暉接
席陳雕俎傾宮送寶衣闕心聞

聖主擗踊慟無依

其四

皇情哀戀篤屣步出東華寒聚城闔雪風迴輦路沙扶
興行露草垂涕雜冰花悽切常中夜林臯起暮鴉

其五

夙昔宣仁訓庭闈一德中十行

慈詔切三代孝思同愛敬成家學徽柔嗣國風他年記
惇史焜燿總無窮

其六

豐沛多耆舊三朝翊戴清羣扶鳩杖至哭傍翟車行奠
酌諸藩長攀號率土氓萬方同過密原野共吞聲

南巡扈從詩十八首

車駕至畿輔道上民獻嘉禾數岐以示從臣

春風轉韶律時巡歷郊原王道廣周諮冀以康黎元衢
路撤警蹕羽衛祛殷繁萬姓趨馬首填塞窺井垣皆言
年穀好比歲豐雞豚麥穗三兩岐敢以陳

至尊

聖心益嘉悅慈顏彌霽溫民天在粒食農事古所敦稼
穡允為寶珠玉安足論再拜紀惇史大哉真

王言

詔免山東來年田賦

王政先足民實惠惟捐租浩瀚若河海百谷同時濡跂
行與喙息萬類皆昭蘇比年屢拜

賜大澤已頻敷蠲除常鉅萬食德非一區

鑾輅蒞東土民瘼勤咨諏特與免正供閭里無追呼謳

吟起岱畎抃舞瀾海嶠

溫詔有徽言民富國乃腴父老扶杖聽蕩蕩歌堯衢
展禮泰山神祠給守祀者金歲以為常

岱宗峙東域穹隆凌紫烟風雨走百靈膏澤彌八埏功
德潤生民柴望紀虞年

翠華昔臨幸日觀登遙巔杯竿視滄海襟帶俯長川大
書雲峰字刻石蒼崖邊今茲復蒞止展禮意益虔

優詔下尺一歲給水衡錢觀瞻肅廟貌母俾祀事愆懷

柔及河嶽允協時邁篇

扈從觀趵突珍珠二泉

濟水性沉勁隱見多伏流趵突厯城嶠噴薄聲颼颼澄
波涵曲沼玉峰對層樓雪濤涌銀甕朱檻翔白鷗或類
鮫人窟百琲珠光浮參差文藻漾澆漓纖鱗遊清寒沁
心骨四時常若秋昔已邀

天步今復駐彩旂

宸章炳星日光芒射潛蚪先後兩輝映特為名泉留

車駕由宿遷親覽河堤後復臨幸高堰閱視

羽衛臨河干徘徊瞻禹迹黃河自西來浩蕩無朝夕

聖主宵旰憂披圖日謀畫上以利轉輸下不妨耕闢今
茲獲安瀾順令驅河伯激箭歸東溟波靜淮流碧溯洄
發櫂謳片帆如衽席拯此昏墊民澤水還其宅自昔漢
帝來采薪兼負石宣房瓠子歌盛事繼疇昔

詔蠲江南累年逋賦

東南財賦區逋租昔所苦官長若傳舍民亦罹罪苦休

哉浩蕩仁明詔傳風雨盡燭歷年賦絲粟無所取率土
供維正累代有恒矩

聖心崇簡賢權衡內外府澣衣過孝文菲食師神禹十
載侍

禁庭微臣目所覩約已以裕人惠澤斯能溥
鳳紙下層霄慈藹軼千古

詔增取士額錄功宥過寬釋罪辜并恤商賈徒役
萬里垂天雲霖雨沛大澤

王言流春膏煌煌儼典冊菁莪培士氣絃誦廣縫掖車
服旌功庸章程寬過謫湯網恢八紘堯歌溢九陌惠政
恤商旅餘波及徒役渙汗若風行星軺馳數驛譬彼陽
春景彌綸無轍迹萬物皆沾濡一夫靡不獲上配星漢
文千禩永無斁

詔民間無得結彩建碑

上古君民情淳風今再遇欣逢

至尊出馬首謹童孺千里賫糧米所至輒成聚燈火若

繁星香風靄烟霧慰問龐眉人

翠輦時為駐碑鏤萬歲字炳耀照衢路敷天歡忭聲淵
雲不能賦愛戴出微忱

聖衷彌簡素所期家室盈禮讓起豐裕至哉如天仁擊
壤聽

溫諭

扈從登虎丘

虎丘一片石乃在闌闌間王珣舊時宅清泚相迴環遊

人無古今石色常自閑劍池如削玉繡澁苔痕斑中涵
清淺流花底猶潺湲層丘莽迴互數步勞躋扳長廊臨
大壑紫翠何其殷村落愛平遠極目入烟鬟上有
萬歲亭卓立當茲山吳人歌樂胥喜惠頻年頌

扈從登金山

滄江浩無際乃自岷山來浮玉一拳石砥柱何崔嵬北
迎瓜步口南接潤城隈迴波忽涌立激薄聲如雷皎若
鷗鷺羣燦疑冰雪堆海氣駕奔濤閣影勢欲摧有時風

日麗潮落江烟開波光類澄鏡燈火明香臺

仙蹕駐上頭勝地欣追陪峰頂大字石雲漢同昭回

扈從登鄧尉山

泛舟入吳會越嶺趨香林村居接花嶼長橋跨碧潯溪
憐木瀆好山愛銅坑深一徑入桂巖千樹對梅岑吹香
滿高閣積雪照湖陰長松翳古寺惟聞鐘磬音數點漁
洋山便娟當波心帆影時出沒湖光彌綠沈鄧尉隱此
山流傳空至今欣從

仙仗來感激生長吟

扈從登靈巖山

振策石城路維舟木瀆傍紅亭倚山畔蘭蕙松風香春
草沒宮井野花迷屨廊裂眦入烟際湖山鬱蒼蒼鏡奩
俯震澤浮槎看漁洋琴臺岡勢直箭莖河流長復有消
夏灣密樹涵溪光遺踪半髣髴究詰增荒唐石洞本確
犖履跡尤微茫千古好事人附會多忖量

扈從登吳山

吳山俯城闌石徑登崖峩翹首雲物麗極目河山多層
巒滴幽翠晴光捲白波一片明湖影掩映隔喬柯春潮
如雪岸朝夕滿江沱萬井若鱗次蔥鬱知時和丹梯聳
飛閣蒼磴接崇阿

至尊移步輦雨霽此經過雲霄畫圖句古調永不磨微
臣草虫吟敢繼大風歌

車駕至會稽恭祀禹陵

會稽古名郡禹穴千山中梅梁空寂寞空石疑幽宮棟

牖雜雲氣靈旗來空濛

聖心久遐契精一淵源通况茲勤玉趾胼胝師神功園
陵伊匪遙駕言滄海東質明展祀事松籟吹天風荒庭
列俎豆牲牷咸告充衮衣肅再拜簪裾陪上公忝佐秩
宗禮感歎盈私衷

扈從渡錢塘經過雲栖虎跑泉飛來峰

東風動漣漪鼓枻渡錢塘沿緣歷沙渚山徑多微茫林
巒轉幽邃十里青篴簫映水綠娟娟戛玉聲琅琅紫蘭

被山谷日暖吹微香西度虎泉側因過鷺嶺傍奇峰削
雲根凌空如飛翔澄溪迴數折灌木羅千章鐘聲度白
雲閣影摩青蒼

萬乘一迴顧巖壑生清光

車駕幸鍾山酌酒於明太祖陵

春雨灑輕塵江干草微綠鸞旂捲惠風駕言鍾山麓前
代已丘墟寢園在空谷

聖人一舉事千古超恒局在昔修禋祀展禮必

躬肅今茲再臨幸青茅酒重漉侍臣咸虎拜仰止

天顏穆賜金遍守圉松楸禁樵牧厚德塞穹壤仁風被
草木書以範百王永永光簡牘

扈從登北極閣

走馬登崇岡東南臨冶城萬瓦連九陌浹浹春雲生
至尊憑傑閣眺覽紓

皇情蒼蒼夕陽落耿耿銀河清象緯天闕近奎壁相縱
橫

聖心羅七曜指點示諸卿
盈縮窮造化高論雲霞驚
孤偃天狼息斗轉泰塔平
南極懸日表久為仁壽禎
今夕觀

天子芒角增光明

閱武并賞宴駐防將士

秣陵帶京口控馭稱要地
海邦屆吳越星羅聯指臂
各列水犀營清時飭武備
特簡豐沛英衛霍領驃騎

六龍御東南神武麾七萃
霜雪耀戈甲荼火望旌幟
射

侯必飲羽鷹隼遜猛鷙

聖澤靡不周師徒憫勞勩爰歌采薇篇飲食亦古義遍
錫上方金共沐投醪賜

文端集卷四

欽定四庫全書

文端集卷五

大學士張英撰

存誠堂詩集一

古體詩三十二首

擬古田家詩六首

柴門擁谿水谿響無朝昏農夫荷耜倦獨倚秋樹根
顧我田疇好念我桑麻繁脈脈不能語感茲風雨恩
風雨

歲時熟古俗今猶存遙指煙生處親戚滿前邨稚子驅雞犬夜來忘閉門何以酬清時努力從田園

谿流何涓涓山色復蒼蒼谿山秋後好農夫秋後忙雞寒不能啼主人立嚴霜驅牛向煙霧稚子牽衣裳阿婦亦蚤起饑兒啼在床攜筐饁南陌迴聽煎中腸豈不惜勞苦遺業未敢荒古人亦有訓力田以為良

短衣農家兒少小習耘耔鳩鳴杏花白偕舉西疇趾三春風雨中九秋霜露裏婦饁復男耕舉室無停晷夏耨

良苦辛亭午日華紫背方炙驕陽足且濡濁水我來隴
畝間慨歎不能止熟知土物艱焉敢厭糠粃聊用作短
章庶以誠淫侈

我有湖畔田沙墟非沃壤霏霏微雨中猶聞桔槔響徑
僻饒松杉地淤足菰蔣柴門接沙尾春水嘉魚上處處
鳴漁榔家家泛蘭漿蚤禾常薄收晚禾亦豐穰更有隔
湖山湖光漾秋爽我欲謝浮名腰鑰此長往

昔愛誦幽風亦常歌小雅桑柘栖雞豚結廬在中野春

舊方扶犁秋禾倏盈把野老樂時和高枕瓜棚下田家
老瓦盆新醪月中瀉擊鼓賽先農調瑟娛方社何必桃
花源此境足瀟灑風塵久誤人我豈悠悠者愧無風人
筆愛此不能寫

力微不能耕鄙性復好農欲自營十畝課僕春山中秧
鉞出新水穉耜吹香風彼驅黃犢往我荷青笠從雖不
執勞勩風雨願與同秉穗遺自拾黃粱熟自舂飽食復
行歌舉手酬天公庶幾對盤餐坦然無愧容

擬古詩五首

陶淵明田園

謀生固有道委情在耕鑿但勤四體力勿嫌歲收薄策
杖看良苗吹香如杜若好風動平疇壟間自舒約豈惟
兒女餐濁醪還可酌同生大化中遺粒畀田雀俛仰弄
琴書信無逾茲樂

謝康樂遊山

將遊浮渡山言登細石嶺白雲冒崇岡天落峰影沿

緣巖壑間陰晴變俄頃喬柯散幽籟曲洞邈深靚苔滑
屐難置巖深燭須炳天窗過雲疾石竇飛泉冷倘許結
茅茨塵滓可長屏

左太冲招隱

千巖一徑入脩竹隱精廬柴門盡日掩中有幽人居好
鳥落翠岑文鱗戲清渠嘯傲弄朱絃坐起攜琴書天風
鼓長松庭際鳴笙竽願言招叩友此境常自如徃師沮
溺賢春田良可鋤

郭景純遊仙

屏迹塵壚表置心羲農前振衣躋崇岡濯足臨長川饑
食青精飯渴飲丹砂泉胎息鶴登樹抱珠龍在淵啟戶
焚清香絳霄延僊侶還丹得至訣餐玉有秘詮翹首笑
蓉城駕鶴凌紫烟

阮嗣宗詠懷

士生各有志不樂居煩囂敢言隱者貴但覺舉世勞醯
雞視羣動螺贏卑二豪楚楚笑蜉蝣切切憎寒號枯苑

等一轍欣戚隨所遭蓬首本非浣衣虱頻自搔鸞凰意
高翦斥鷃空啾嘈

聽友人彈琴

有客遺我綠綺琴攜來竹路桐花陰素愛清商學操縵
廣陵人去湘水深故人為予鼓一曲指上清風響寒玉
小絃切切大絃驚雲鴻沙鴈相離續使我滿室生秋聲
寒林落葉寒蟲鳴坐客不知日將夕花枝竹影相縱橫
古稱無絃琴亦好靜對枯桐自飄渺况復移宮換羽時

松籟泉聲滿幽抱餘音縷縷入青冥殘照依依欲下庭
主人閉門客復去門前無數遠峰青

寄題黍邱陳簡菴谿南草堂

繁華鮮能久珍異罕常存洛陽一片地誰復金谷園琪
花與瑤草化為秋雨痕悠悠惟世德可以歷寒暄陳子
多古誼澹泊尤所敦大父居諫議先人典名藩廟堂仰
謨烈園林隱弟昆結屋臨清谿聊以遠塵喧藏書滿高
閣種樹羅前軒三代歷膺仕惟此遺子孫廿年燧燧後

幾蕩為寒原陳子啓榛莽結構立柴門殘垣斷壁間手
澤猶可捫谿聲遶茅屋枕上聞潺湲古木不改色入夏
清陰繁誰謂消息理天意不可論昔年歌舞地臺榭委
荒邨昔年絃誦地依然琴與樽願言崇世德贈子以勿

諼

陳子名希稷夏邑人
能詩工書法

疊翠樓歌

龍眠日照萬峰紫聳峙一峰號投子古堞參差巔岫間
喬柯掩映烟嵐裏延陵世宅居城中為愛此山不能已

家有一畝青琅玕筠粉初落青且寒中闢高樓曰疊翠
北窗面面堆層巒主人對此數晨夕手持一卷閒岸幘
朝來最好山嵐青夜來最好山月白有時雪後成奇觀
玉峰瓊樹高千尺有時花發滿山椒隱隱疎紅間寒碧
招我正是春明時春烟春雨尤離奇山翠倏忽分濃澹
峰腰雲影時時移應是公麟捉筆在空際伸紙潑墨寫
山勢樓頭百幅龍眠圖雨岫晴峰落埤垵

樓在姊夫吳式昭宅右

松聲閣

吳姊居佛閣自顏曰松聲昔讀松聲集今見茲閣成予
以外家弟拜姊登軒楹高樓起宅畔俛視秋滿城霜柿
紅披離當戶一枝迎未見庭堦上設設松風生再拜問
吾姊胡以松聲名姊笑而未言爾何無遠情佛理本無
滯勿以我見橫予日坐此閣慮澹神復清譬彼蒼龍幹
霜雪忘枯榮誦經入深夜栖鳥時時驚繡佛儼垂盼紅
燈對秋橙况有案上詩古調存韶韻摩娑吾老眼挑燈
一再賡烟縷方入戶微香來茶鐺靜聆石經齋書聲依

短檠皆作松聲想自覺吾耳盈何必南山南始聽萬松
鳴再拜謝吾姊朗識誰與京姊今逾甲子茲閣始經營

願言閣上人歲歲如松貞

木厓母夫人吾姑
之女有松聲閣集

風雪行

黑雲壓前途夜半北風起客子雙足拳寒臥僵襍被角
角雞初鳴淒淒入吾耳主人來叩門呼客整行李披裘
闔茅檐雪片白如紙牽馬且無力霜風吹斷指客子貪
征途僕夫行且止徘徊四野中乞火望墟里我方歎苦

寒騎驢者誰子鬚眉結冰花慄慄戰牙齒人苦不自憐
吾貌應復似生長江南春不解寒如此小閣常晏眠重
氈布文几紙窗映虛白爐火埋深紫行行亦胡為邈愧
幽獨士衣溼方苦饑俯仰歎未已僕夫前致詞甫渡黃
河水行行向燕山風雪從茲始

望岱

行行兗州道矯首青冥中朝霞擁日出照灼滄海東蒼
翠插天半泰山何嵒嵒上有白雲氣映日如長虹紫嵐

忽變幻萬里迴天風梁甫與杜首連綿亘遙空遠望百
里外霄漢若可矜况復登天門盤曲安能窮我欲披日
觀俛闕蓬萊宮周秦數點碧黃河襟帶雄長嘯探玉策
邈與穹蒼通

黃茅岡

暮登黃茅岡岡勢倏平疇怪石何離奇羣羊滿山頭坡
公守此地醉醒時來遊石上有遺字筆勢如銀鈎後人
景高風還為起朱樓名山不在深此地直荒邱乃知賢

達士能令山川幽幻化同草木林壑擅風流使君復何處片石自千秋

寄任昭茲

歲暮濠梁與君遇霜天攜手黃河渡二千餘里風雪中
行行細數燕山路朝來並馬夕連床清宵有夢起徬徨
顧影相憐兩遊子如君況復稀鴈行有時君吟我亦和
酒醒燈殘客未臥僕夫呼客出茅檐雪片如刀馬蹄破
獻策金門未見收豈君亦復滯驂騑春城柳色無情綠

京洛空成汗漫遊我方停車君稅駕落日忽遇荒城下
兄弟關河聚會難剪燭呼樽共良夜此時不過君勿悲
堂上有人俱顰眉區區承歡各努力京華旅食空爾為
與君別去常惻惻百里相思無羽翼臨風寄爾尺素書
願言加餐崇令德落月盈盈照屋梁懷人猶如見顏色

昭茲名光世舒城人能詩與
予鄉試同出即墨黃公門

梁家園對酒歌

帝城昨夜柳初碧杏花片片飛綺陌弟兄俱是天涯人

攜手相逢出左掖
玉勒金韜照路傍
紫駟騾褭嘶何長
吁嗟良會不易得
畫樓高處還相將
畫樓掩映垂楊裏
一曲銀塘瀉春水
小閣珠簾臨水開
依稀此景江南似
歌兒紅雪本吳儂
燈前雙頰秋芙蓉
黃鶯自轉梁塵落
宛轉歌成謝女慵
坐客燕趙復吳楚
京華挾策成羈旅
藥宮姓字曲江春
等閑同作金閨侶
對酒當歌歌勿遲
再來此地知何期
青蛾皓齒白紵詞
勸君滿酌傾玻瓈
春風為我惜良夜
珍重梁園對酒時

慈仁松下對酒歌

中秋為念
齋招因賦

長安八月天氣清
千門九陌秋盈盈
弟兄相將十五人
齊驅馬首過春明
春明門外紅塵起
共向慈仁寺裏行
璀璨離奇百寶集
遊人遊女傾都城
鈿車來往如流水
花驄騷裏嘶且驚
吾儕只坐長松下
秋風颯颯聞松聲
須臾燕市蜃樓散
冰輪蚤向松枝生
松枝影落空壇上
龍蟠蛟怒何縱橫
有客壺觴醉諸子
石欄松畔飛兕觥
倚徙徧飲諸松下一松
一斗如長鯨
天涯骨肉兩珍重

可憐俱是遊子情京國風塵改顏色終朝逐逐如揪枰
諸子孝威年最少

謂若水

猶恐異時相逢呼老僖今夕良

會不易得浩歌莫惜樽頻傾吁嗟乎浩歌莫惜樽頻傾

再飲慈仁松下歌

九日為禮
存招因賦

秋深古寺風蕭蕭長松鐵幹摩青霄復有低枝蒼且勁
寒聲樹底如秋潮前日攜樽曾醉此宿醒未解旬日耳
黃花細雨又重陽咫尺秋光不相似檢點遂成十四人
唐子抱病思鱸蓴人生最易是離別為歡切莫輕良辰

相將攜手登高閣，俛瞰西山闕。碧落金翠輝，煌樹影濃。
明光宮殿連長樂，日晚移樽松下來。寒風淅淅吹高臺，
羅衣自薄不勝露。酒醒歌罷重徘徊，徘徊還向幽林去。
招客禪房最深處，蒲團紙帳蠟燈紅。茗椀爐香客無語，
坐客無語聽清歌。歌入微時喚奈何，莫道承明同珥筆。
謾言玉樹共鳴珂，人生富貴等閒事。須念為歡去日多，
勸君且盡樽中酒。聽我再飲慈仁松下歌。

家書

家書久不達終夜不成寐道遇故鄉人云自秋後至珍
重試一詢或恐有隻字客言離家時與子老親值疾行
不扶杖顏色類童穉再拜故鄉人頓釋經秋思遊子復
何悲遊子復何冀如獲徑寸珠不復叩其次歸來坐床
上吁嗟發長喟不乏鱗與鴻胡使我心悵願托凌風翼
寄言昆與季高堂有老親尺書且時寄

霄漢樓詩

為任鶴峰
同年作

江濤澎湃西南來縈迴百折海門開北有大龍與天柱

蒼巖翠壁真奇哉任子嗜奇愛山水憑陵傑閣山之隈
下視長江如尺素平蕪草綠江南路湖烟邨樹幾人家
沙尾沙頭數鷗鷺有時江風吹白浪千帆片影窗間渡
四面窗開皆好峰摩空峭立青芙蓉不覺斯樓几案間
飛來天柱與二龍百幅雲林佳山水煙雲乍澹還乍濃
傍城無數參差屋掩映虧蔽出林麓花外珠簾何處亭
籬邊小圃誰家竹佛宮金碧涌浮圖盡來窗底供游目
最宜風雪滿江城千山萬樹皆瑤瓊更愛長天秋月白

寒江空翠波浪平洞開四壁雙目眩散髮浩歌魚龍驚
山靈河伯相縱橫酒闌客醉不復去歌枕還聽江流聲

渡阿城閘

憶我泛舟時積雪西山白行行重行行柳花飄綺陌東
阿山下流微波不盈尺苦吟坐蓬窗欲渡無羽翮嗟此
一勺水涓涓非大澤湖水南北流啟閉類潮汐藉以通
漕艘詎宜思歸客最是爭渡時風起日將夕石梁一葦
間檣櫓森如戟操舟上青天指顧驚人魄電擊復雷轟

撾鼓迎河伯對岸人語聲咫尺飛濤隔百夫輓一舟始
渡沙間磧出門多辛苦况復此行役故國三千里南望
江雲碧安得片帆輕春風從所適

贈吳達田舅氏山居

疇昔鳴琴客近為餐霞人山癯類野鶴脩翮無纖塵秋
水澹神慮俛仰皆天真手藝河陽花爛熳猶如春隱之
多清操飲泉風絕倫避俗謝軒冕家山耽鱸蓴浮渡三
十六探索常經旬時還託詩酒調古思彌新門前五柳

樹瀟灑陶公巾

舅氏名道觀順治己丑進士為商水令

寄懷同館諸子一百韻

疇昔京華春旅食再經歲幸有同心人天涯比昆弟河隄草放青城陰柳含翠垂鞭陌上逢與爾交初締千官綵仗齊五色宮雲麗

天子方愛才鄒枚重陪侍簡此十五人筆札許同賜傳呼出玉堦走馬來丹地名譽起公卿諸王及勲衛長安爭欲識官街擁千騎從此金門路出入並銜轡高槐散

清陰同摩古碑字聯裾

御道行對席秋堂試馬銜庭草嘶鳥語稀人吏有時各
垂簾一編探微義有時登堂上琅琅聽羣議

御河流向東往復恣遊戲酬和同心言襲人如蘭蕙一
日不相見三秋良不啻

此言初授館職

佳辰多好懷攜手慈仁

寺松影如深林松風吹客醉一月數來遊蒼蘚捫殘碣

此言慈仁寺譙集

城東有清池錦鱗躍芳砌南望園丘宮蒼柯

正陰翳相將此地遊五月雨初霽人在水邊樓馬向垂

楊繫

此言金魚池講集

最憶禁城西此景時無二逶迤白玉橋

長虹落天際駕瓦碧琉璃百尺如飛墜寶幄間珠宮烟

林共深遠戚里夜歌鐘天風落輕吹千畝太液池曲曲

皆荷芰數峰不在高巖壑蒼逾媚古松近十圍羅列森

衆卉樓觀水中央蓬萊堪髣髴環之以朱門指點王侯

第吾儕讀書暇數日時一至烟水菰蒲間相期滌塵累

我至為君留君來為我遲下馬飲荷香涼風入羅袂

此言

西苑之遊

追隨分餘歡亦復同勞勩驅馬未平明擊柝門猶

閉星光月影中相對發長喟風雪迴平沙掩面傷目昔
逢君各相問昨夜寒甚厲十月猶單裳無裘可言敝方

朔恒苦饑朝來飯也未同是旅食人驚心說珠桂

此言旅食

之苦嗟予尤苦辛蕭然託高寄玉堂廡下炊岑寂不言瘁

吾兄耽清賞

禮存

中宵持襪被與予共燈火短檠各幽致

高吟步庭除月落猶未寐豈不惜勤劬落落腴道味瀛

洲五雲堂時時發詩思諸子皆至性膠漆相投契繆子

磊落人

念齋

雄才冠時輩披瀝皆素心好我獨真摯安仁

稱益友

起

食牛氣彌銳霜蹄蹋秋晨索索驚人睡史子

真天人

子脩

癯骨有奇慧落筆妙天下蘭亭得其勢夏子

雅懷抱

隣湘

道氣日醇粹讀書常比鄰纏綿入微細丁子

氣如蘭

次蘭

簡澹寡營慮獨贏繡閣歡宮花插寶髻幼與

與仲舒

瞻在子重

湛湛見深器人澹竟如菊二子差可擬照

隣富才思

景韓

挹之多靜氣能讀等身書沈摯時無比楊

子澹蕩人

簡人

清風餘秀惠草書學右軍軒翔入三昧儲

子曠世才

玉依

思敏力復毅晨昏相追隨歡不減棠棣大

令神骨清

子厚

天廟琳琅貴劉子何亭亭

若水

孝威名不愧

二君年最少才思獨雄肆唐子方抱恙

借藻

蚤歸食鮮荔

徘徊十五人倏忽成十四閔子遭多故老親遂不諱遊

子腸寸斷中心自煎沸諸子為我啼再拜皆出涕各賦

薤露歌悲惻復周緻哀哀遊子情懇懇故人意路白冰

稜高麻衣兩行淚諸子送客行闌山共迢遞吁嗟遂成

別人生無根蒂長路多艱虞風濤日驚悸遊子歸故鄉

入室如聞幃悲迷草土間無復憶人事故國兩經秋夢

與諸子值綿綿夢中言耿耿猶能記歷歷思舊遊惘惘
不能置嗟予昔有言珍重此把臂今時不為歡聚首良
不易不謂此語識轉與子相類浩然發長歌願言告同
志努力報

清時勲業予翹企

方四松先生題遠峰亭長歌和之

小園種竹已十年覆牆纔見生寒烟十竿五竿近窗戶
筠粉初落青可憐更喜竒峰向茅屋朝似烟鬟夕如沐

問人知是江南山九點芙蓉香靄間客子經年遠行役
三徑無人苔蘚斑歸來重啟竹間戶咫尺家山同陟岵
尚開臨砌舊時花花下心酸淚如雨鑒湖先生詩絕倫

謂四松

青蓮居士今騷人

謂嗣雅

器塵不厭城隅道剝啄來

問松與筠指點青峰出林際梧桐葉密山光細涼風颯
颯從南來坐客添衣紙窗閉等閑落筆成浩歌長句短
句奇思多書向吳綃與蜀紙頓看素壁烟嵐起亭中一
幅蚤秋詩亭外千重暮山紫同將黛色摩青蒼不獨江

雲看九子

四松先生名幾字還青同里人工詩文曾官河間司馬有四松集

姑射仙人篇寄上房師臨汾蔣公

姑射神山汾水湄中有仙人冰雪姿千年苞秀毓靈異
誕甫生申端在茲偉人遊上都橐筆遊天衢丁年里選
方棄繻翩飛珥筆承明廬

世廟當年受知蚤木天丹地競詞藻歛華不屑鬪時名
芸閣悠然見懷抱懷抱復何似水何澹澹山島時雅望
年來中外深玉衡羣仰台星指高攬芙蓉鏡還登選駿

臺自顧駕駘亦何幸春風翦拂呼龍媒等閑移作上林
樹芳杜秋蘭共零露仰止公琰社稷器千頃汪陂欽叔
度青藜甫得分餘光小子歸臥南山陽桃蹊苦憶花三
徑華戶長扃水一方闔梁無羽翮長安秋正碧諸子正
是良讌時受經羣列康成席極目燕雲杳靄中論思東
觀日春容陶鎔庶類須鉅公天南翹首思無窮

伊蒿篇為許子志先德次四松先生韻

故園君子推許公當年隱德今穹窿自予聞之年方童

迄今廿載思何窮秦隴之寇彌八鴻圍城數匝將傾桐
憑山帶河城西東營火如燐千點紅公方負母湖草中
孝思平地成蠶叢賊衆蠭聚而蟻同官兵倏至烏羣空
公歸安母勸蒿蓬及時播種麥有麴寇方去兮禾方芄
隣里復活伊誰功孳孳惟義是所攻潛德惜未聞

宸聰惟公雖沒義則隆天佑善人啓其衷許子讀書時
念翁孝德累世蒼旻通揮毫落筆文最工蓀蓀歲歲時
未豐道氣淵湛常冲融文壇藝苑偏能雄草堂秋日方

瞳矐草堂秋樹何菁蔥多君先德如衡蒿羣公詩史皆

清風

許子伊蒿名來惠予同學友工詩文為邳州學博

重九後十日木厓招同四松芥須伊蒿叔兄如三

集九松分得地字

秋山不在遠出郭自幽致秋林不在深九松足蒼翠主人曾有約山靈久相遲若使重陽來登臨祇故事回首已成昔十日秋光異青青原上楓初與曉霜試逶迤草間路黃葉猶未墜盤桓古松下高枝落秋吹髮髯數君

子澹勁復無二侵旦遠移尊霜螯正肥膩田家古瓦盆
斟酌成微醉倚徙松棚間獨憫老農瘁白髮自驅犢天
寒拾遺穗可憐兒女餐飽此催租吏譙酣忘苦辛吾儕
將無愧古人惜良辰且勿發長喟清流遶田壟曲曲盃
堪置瓜果秋樹根銜盃託高寄隔水山畔路正與歸樵
值日落衆峰紫林巒轉深邃嚴城未掩關林鴉雜歸騎
落落有吾徒蕭然在天地

寄都諫姚龍懷先生

黃門典封駁糾彈重老成偉歟都諫公嶽嶽誰與京邱
壑十年居蔬水南陔情掖垣徵再入方直舊知名阜囊
一編書抒發皆至誠衆論如委波賴此宏議撐轉移在
微密恥為殿上爭

至尊降溫顏聽此鸞鳳鳴同時仙掖客袞袞皆上卿於
公為後輩仰之如華衡心苦力亦瘁五十白髮盈願言
加餐飫葆此松柏貞

帝前作霖雨長此被蒼生

文瑞集卷五